



partii naleraq

UPA 2017/044-01

04.05.2017

Meeqqat atuarfianni atuarnermut ilaatillugu sungiusaammik sulinermi assigiimmik sillimaserneqarnissaannut Naalakkersuisut suliniuteqarnissaat pillugu Inatsisartut aalajangiiffisassaattut siunnersuut. Suliami tassani kommunit, Center for Arbejdsskadesikring attuumassuteqartullu allat sapinngisamik Naalakkersuisunit akuutinneqartariaqarput.

(Inatsisartunut ilaasortaq Debora Kleist, Inuit Ataqtigiit).

Inatsisartunut ilaasortap Debora Kleist, Inuit Ataqtigiinneersup, Meeqqat atuarfianni atuarnermut ilaatillugu sungiusaammik sulinermi assigiimmik sillimaserneqarnissaannut Naalakkersuisut suliniuteqarnissaat pillugu siunnersuutaa Partii Naleraq sinnerlugu imannak oqaaseqarfigissuarput.

Siunnersuut soqutiginartoq aamma apeqqutinik arlalinnik malitseqarsinnaasoq peqqissaarullugu suliarineqartariaqartoq isumaqarpugut.

Isumaqarpugut aaliangiinnissamut tunngaviit apeqqutillu assigiingitsut tamakkiisumik paasisaqarfigissallugit pisariaqartoq, siunnersuutip aappasaanneeraneqannginnerani kommunit angajoqqaat, atuarfiillu siulersuisui minnerpaamik tusarniaaffigeqqaarnissaat pisariaqartoq isumaqarpugut, pingaartumik minnerunngitsumik kommunit avaqutiinnarlugit aaliangiiffiginnginneranni.

Taamaamat inassutingaarput, suliap aappasaanneeraneqannginnerani kommunit susassaqtullu allat tusarniaaffigineqqaassasut, taamalillunilu aappasaanneerinnineq ukiamut suliarineqartussanngorlugu.